

Alversund Mållag – årsmelding for 2017

Redigert etter merknader og vedtak på årsmøtet 19.03.2018

Arbeidsåret må seiast å vera innhaldsrikt og vellukka, med ulike krevjande oppgåver som har involvert mange medlemer.

I 2017 har desse sete i styret: Inger Helen Midtgård (leiar), Karin Monstad (nestleiar), Johan Myking (skrivar), Tone Røyndal Kaalaas (kasserar) og Kjersti Hodnekvam (styremedlem). Varamedlemer har vore Øystein Vik og Arne Kvamme. Sjå elles årsmøtereferatet frå 2017.

Fleire i styret er framleis båtpendlarar mellom Knarvik og Bergen og utnyttar turane til uformell samråding, og mykje samråding går over e-post. Talet på formelt korrekte styremøte med referat er fire. I tillegg til dette kjem ei rad med ulike nemndmøte og sammøte i samband med dei ymse arbeidsoppgåvene.

Økonomien i laget er bra. "Håtta' du?" er framleis berebjelken.

Arbeidsplanen har vore følgd opp slik:

1. Få fleire aktive medlemer og ambassadørar for nynorsk

Laget har no 90 betalande medlemer og 98 medlemer totalt pr. 31.12.2017. Dei tilsvarande tala for året før var 86 og 96. Noregs Mållag har sentral innkrevjing av medlemspengar. Styret har ikkje drive aktivt med påminningsaksjonar. Det har heller ikkje vore verveaksjonar.

Styret har prøvd og prøver støtt å trekkja inn nye namn i arbeidet med dei ymse tiltaka våre. Styret har brukt vararepresentantane aktivt.

2. Påskjøna val av nynorsk for 1. klassar i området vårt, skulekrinsane Seim, Leiknes, Alversund og Knarvik.

Sjå neste punkt.

3. Arbeida for bruk av nynorsk i barnehagane i området vårt, ved bokgåver eller støtte til kurs for tilsette.

Laget har sendt ut bokgåver til alle barnehagane og 1.-klassane i området vårt, to ulike bøker: *Bokstavsommaren* av Erna Osland til førsteklassane, *Papelina* av Ragnhild Fuglehaug til barnehagane. I Alversund er det to førsteklassar, ei av bøkene til kvar klasse. Tone Kaalaas, Norhild Rosnes og Berit Kyrkjerud tok seg av arbeidet.

4. Skapa eit positivt inntrykk av kultur, nynorsk og målsak i lokalsamfunnet

4.1 Skipa til songkvelden «Håtta du»

Håtta' du 2018 vart halden på Knarvik ungdomsskule 18. februar 2018, med om lag 130 deltakarar. Dette var den ellefte gongen tilstellinga vart halden sidan 2006. Håkon Træland var som vanleg programleiar, og nytt av året var Else Irene Westervik som forsongar. Otto Aksnes var vår faste tonefølgje også i år. Han vart i år hylla med

bursdagssong, kven skulle tru han nett hadde fylt 80 år? Andre kunstnarlege innslag var Elida Hatlevik frå MGP junior med dansarar, og Songlaget Alvidt/Manger med fine songinnslag. Målprisen vart i år tildelt Claus Sellevoll, og han kvitterte med dikt av både Olav Nygaard og Jakob Sande. Som vanleg var diplommet teikna av Håvard Giezendanner. I prisnemnda sat Oddbjørn Rosnes, Marit Gro Berge og Anne Marie Midtbø. Styret oppsummerer Håtta' du 2018 som særers vellukka og med perfekt lengd.

Kommentarar frå årsmøtet:

- Viktig å støtta ungdomar når dei syng på dialekt.
- Programmet var ikkje for langt, men kunne heller ikkje ha vore kortare. Else Westervik er ein perfekt forsongar, innstilt på å vera med vidare. Viktig at allsongen går fint.
- Programinnslaga er godt innkøyrde, arbeidsoppgåvene er godt fordelte. Lokalet er for lite, viktig at folk får sitja når dei betaler! Me må vurdera Storstova neste år.
- God stemning. lengda på pausen, ein halv time, er passeleg.

4.2 Markera laget som ein organisasjon som femner breitt, gjerne samarbeida med andre lag og organisasjonar om tiltak som fremjar norsk språk og kultur.

Tiltaket Nynorsk for dei minste 10. mars 2018 vart halde på Meland rådhus i samarbeid med Meland Mållag, Osterfjorden Mållag, Lindås Mållag og Strilabiblioteket. Førsteamanuensane Eli Bjørhusdal og Ingvil Brügger Budal frå Høgskulen på Vestlandet har redigert fagboka *Nynorsk med dei minste*, utgjeven på Samlaget i 2017. Erna Osland er representert i boka og deltok òg på tilskipinga. Det var rundt 25 deltakarar, men ikkje så mange frå den primære målgruppa, som var barnehagelærarar. Musikkinnslag ved Litago barnehage frå Meland og husband frå Meland Mållag. To eksemplar av fagboka vart delte ut, resten skal delast ut til barnehagane seinare. Det er positivt at laga får til eit samarbeid med kommunane gjennom Strilabiblioteket.

Konserten JAZZ PÅ STRILAMÅL vart eit hovudprosjekt for laget i 2017. Reidar Konglevoll, som er medlem i laget, har omsett tekstar frå "The Great American Songbook", dvs. jazz-standardar frå 1950- og 1960-talet, til striledialekt og nynorsk og øvd inn eit konsertprogram saman med lokale jazzmusikarar frå miljøet rundt Meland jazzkafé. Alversund Mållag gjekk inn som arrangør saman med Meland Mållag av ein konsert i Nordgardsløa 3. november med dette programmet. Konglevoll gav òg ut ein CD som vart sleppt i samband med konserten. Laget tok for første gong i bruk billettsystemet TicketCo, og dei 100 billettane til konserten vart selde på førehand. Denne typen tilstelling er dyrare enn det eit mållag ofte kan rå med, men med kulturmidlar frå to kommunar gjekk konserten med eit mindre overskot.

Kommentarar frå årsmøtet:

- Fantastisk konsert, nådde nye målgrupper.
- TicketCo fungerer godt, men det burde vore lagt av billettar til sal ved døra. Folk måtte avvisast i døra, ikkje triveleg.
- Glimrande innleiing til konserten.

Karin Monstad er framleis vår representant i Lindås kulturråd.

4.3 Skapa blest om målsaka ved å dela ut målpris og målros(er) for god bruk av nynorsk i det offentlege rom

Laget har delt ut målrose til Nordhordland Ung. Rosa vart verdsett, mange av dei unge journalistane er ikkje eigentleg nynorskbrukarar.

Målprisen 2018 vart som nemnt ovanfor delt ut på "Håtta du?" 18.2.18.

Det finst òg bilete frå bokutdelinga i fjor, sendt til lokalavisene og Norsk Tidend

4.4 Skriva lesarbrev med mål å synleggjera målsaka

Ingen, berre eit lite bilete frå Håtta' du i fjor i Norsk Tidend.

5. *Samarbeida med dei andre mållaga i Nordhordland om tiltak for å fremja norsk språk og kultur, særleg føra vidare arbeidet med å få innført nynorsk som opplæringsspråk for flyktningar og vaksne innvandrarar*

Laget har hatt eit godt samarbeid med Meland Mållag om konserten Jazz på strilamål i november. Leiaren og andre styremedlemer deltok òg på 100-årsfesten for Meland Mållag i desember. Tilstellinga Nynorsk for dei minste 10. mars vart haldeN i samarbeid både med andre mållag og med Strilabiblioteket, sjå ovanfor.

Det har som tidlegare vore halde sammøte med dei andre mållaga i Nordhordland gjennom arbeidsåret og freistnad på praktisk samarbeid. Tiltaket opplæring på nynorsk for vaksne innvandrar og flyktningar heldt fram som politisk sak i Lindås kommunestyre frå hausten 2016, og kom opp til avgjerd i kommunestyret 11. mai 2017.

Mållaga skipa eit eige seminar om emnet med politikarar, administrasjon og fagfolk i februar 2017. Fleire styremedlemmer deltok på Bergenskonferansen som Bergen mållag og Universitetet i Bergen skipa til i mars. Der var dette eitt av temaa, med deltaking m.a. av ordførar Astrid Aarhus Byrknes. Det har vore drive lobbyverksemd og vore dialog med ordførar om saka. Det var mykje debatt og ulike medieutspel før og etter møtet i kommunestyret. Vedtaket vart ikkje slik mållaga hadde vona. Mange av dei som har engasjert seg i denne saka gjennom meir enn eitt år, er vonbrotne både over kommunestyrefleirtalet og ikkje minst over det saksgrunnlaget administrasjonen i Lindås kommune la fram. Me er likevel nøgde med å ha sett saka på det politiske kartet, og har kome eit stykke på veg med saklege, fagleg vel funderte argument. Tida kan arbeida for oss (talet på kommunar med nynorsk som opplæringsmål har nyleg auka til 53). Siste ord er ikkje sagt.

Alversund Mållag har alltid meint at samarbeidet mellom mållaga i Nordhordland er særskild viktig, og prioriterer sammøte og andre former for samarbeid. I praksis fungerer dette samarbeidet godt mellom Alversund og Meland, men ikkje like godt med dei andre mållaga. Styret meiner at samarbeid må vurderast ut frå kva vi trur tener målsaka i regionen og også fungerer godt for laget.

Kommentarar frå årsmøtet:

- Leiaren og nestleiarer har teke mykje av støyten og må ha ros for det. tungt arbeid og frustrerende.
 - Dårlig saksgrunnlag frå administrasjonen, som hadde bestemt seg på førehand.
 - Ljosglimt – enkeltpolitikarar som Valle og Jøsendal. Politikarane som heilskap var eigentleg ganske positive, men kvitte seg nok for å gå mot det som det faglege personalet målbar.
 - Viktig at laget greier å mobilisera som lag, det vert lagt merke til. Det språklege kunnskapsgrunnlaget er det mållaga som har skaffa fram.
6. *Samarbeida med Noregs Mållag sentralt og Hordaland Mållag med formål å skapa blest om målspørsmål og språk.*

Me har teke initiativ til, og bede, Hordaland Mållag om hjelp etter nederlaget i kampen for nynorsk til vaksne innvandrarar. Eit avtalt møte har ikkje vore halde. Noregs Mållag sentralt har også vore involvert i seminarplanlegging og strategiar knytt til saka om nynorsk for vaksne innvandrarar.

NM VAR MED PÅ SEMINARET OG ELLES I DELTAKANDE!

7. *Vera pådrivar for god målbruk i kommunen.*

Det har ikkje vore møte med rådmannen i Lindås i 2017 slik som åra før. God målbruk i kommunen er viktig å vera pådrivar for, men styret er uviss på kva strategi og tiltak som har effekt.

Kommentarar frå årsmøtet:

- Viktig å jobba vidare med dette men kanskje heller jobba mot fellesnemnda for den nye kommunen, samarbeida med dei andre mållaga.
- Positivt: Lindås kommune har halde skrivekurs som har fått god mottaking. Dersom me veit om folk som er gode kurshaldarar, må me henta dei inn, peika på dei.

Avslutning

Som oppsummering vil styret seia seg svært nøgd med at tilskippingane våre har fått gode oppslag i lokalavisene.

Alle tilskippingane i 2017 har kravd stor dugnadsinnsats frå medlemene, og svært mange har hjelpt til. Styret takkar alle for velvilje og positiv innstilling!

Årsmeldinga vart samrøystes vedteken med merknadene frå årsmøtet.

JM 20.03.18

Resultat 2017

vedlegg

Balance 31.12.2017

<i>Inntekter</i>	
Strilajazz billettinnt, kafé mm	27441,00
Strilajazz lindås kommune	7000,00
"Håtta du"	23100,00
Medlemspengar	3640,00
Renter	27,00
Sum inntekter	61208,00

28,25,30,22,15

14

2

6

30

<i>Aktiva</i>	
Bank	54018,73
Aksjar Det Norske Teatret	400,00
Sum aktiva	54418,73
<i>Passiva</i>	
Eigenkapital	54418,73

<i>Kostnader</i>	
Strilajazz, varer, lyd mm	16084,50
Konglevoll	12500,00
Annonsering jazz	3507,00
Underhaldning "håtta du"	6500,00
Annonsering	1187,50
Gåver	3841,00
Deltaking Bergenskonnf.	4100,00
Møtekostnader o.l.	1758,90
Sum kostnader	49478,90

23,19,20,17

16,27

21,18

1

4

3,24,26

9,10,11,12

29,13,8,5,7

Resultat	11729,10
----------	----------

Knausvik 18.3.2018

Kontroll av bilag er utført. Rekruttskaper
er kontrollert og funne i Samsoner
med underliggende dokumentasjon

Jon Hågen

Åversund, 16.3.18
Sissel Knausvik

